



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

Articulus I. De contractu Feudali.

[urn:nbn:de:hbz:466:1-73045](#)

QUÆSTIO XX.

IN TITVLVM XX. DE FEVDIS.

1660 Inter alienationes rerum Ecclesiasticarum, de quarum alienationibus licitis, vel illicitis, per complures jam titulos in præcedentibus actum est, numeratur etiam contractus feudalis, & emphyteuticus, quorum utroque transfertur in Vasallum, vel Emphyteutam, dominium utile ipsius rei, quæ illis in feudum, vel emphyteūsim conceditur; de utroque in præsenti, quantum attinet ad hunc titulum in sacris canonibus, dicimus.

ARTICULUS I.

De contractu Feudali.

1661 Quæstio 1. est, quid sit feudum? ac unde dicatur? 1662 Feudum, teste Molina tom. 1. D. 10. dici à fide, seu fidelitate, quam feudatarius domino servare debet, vel à foedere, quod inter utrumque iniiri solet; verum Azor tom. 3. lib. 10. c. 1. magis probat sententiam eorum, qui dicunt *feudum esse* vocabulum Gothicum, vel Longobardicum, quod forte deducitur à Germanica voce, *fedi* quæ significat bellum, seu militiam; prædia enim bello occupata viator suis militibus fruenda tradebat, ea lege, ut eum dominum agnoscerent; seque Clientes, præstito aliquo personali obsequio profiterentur.

1662 Lefsius l. 2. de Just. c. 24. n. 5. ex Julio Claro de Feudo, q. 4. sic feudum definit: *est concessio rei immobili, vel a quipollentis cum translatione utilis domini, proprietate retenta, sub onere fideli- tatis, & obsequiis personalis repetendi; unde ex eo præcipue differt ab Emphyteu- si, quod in hac solvatur pensio; in puro feudo solum obsequium personale: Sive-*

ro aliquando solvatur aliquid in recogni-
tionem domini directi, ex hac parte de-
clinabit ad emphyteūsim. Feudatarius
(ut exponit Molina tom. 1. D. 10.) est ille,
cui feudum conceditur, qui alio nomine
Vasallus nuncupatur; & ex his patet ad
quæst. 1.

Altera quæstio est, quotuplex sit feu-
dum? 1663 Ex variis textibus citatis per
P. Azor tom. 3. l. 10. c. 1. feudum dividi-
1. in *proprium*, quod conceditur simpli-
citer, nulla certi temporis, aut certi
obsequii determinatione; & *improperium*,
quando certis temporibus, & certis
locis, certum obsequium, vel officium
designatur; si igitur officium, quod feudatario imponitur, sit procura-
re res Principis, dicitur *feudum Castal- dia*, id est *procurationis*; si officium
sit, certam aliquam arcem custodire,
dicitur *feudum Guardiae*, id est, *cu-
stodia*.

Sectundo in feudum *Régale*, quod con-
ceditur ab Imperatore, vel Pontifice
Romano, vel Rege, vel saltem à Prin-
cipe non recognoscente superiorē, &
semper annexam haber dignitatē, du-
catus, Marchionatus, vel Comitatus,
& Similes; & *non Regale*, quod conce-
ditur à Rege, vel quocunque alio, ita
tamen, ut nullam ex prædictis dignitatib-
us annexam habeat. Dividitur 3. in
nobile, & ignobile; *nobile* dicitur,
quod suum possessorem nobilem facit,
aut ostendit, & solum ab Imperato-
re, vel à Rege conceditur; *Ignobile*, aliō
nomine.

1664 *Burgense* est, quod à plebe, vel pri-
vatis hominibus concedi solet. Di-
viditur 4. in Ecclesiasticum, & seculare:
Ecclesiasticum est, quod Ecclesia dat al-
teri, vel ipsa accipit ab alio, vel quod

in Clericum confertur, vel quod Clericus ut talis accipit; *Seculare* est, quod à civili Principe, vel quocunque alio laico accipitur.

Dividitur 5. in reale, & personale: *Reale* dicitur, quod perpetuum est, nec ad hæredes transmittitur; *personale* extinguitur cum persona, & ad hæredes non transit.

1666 Dividitur 6. in masculinum, & femininum; *masculinum* est, quod solum ad mares transit; *femininum* est, quod etiam ad fœminas ex pacto transire potest; fœmina enim in feudum non succedit, nisi id per pactum exprimatur.

Dividitur 7. in antiquum, paternum, & novum; *antiquum* est, quod majores communis agnationis supra quartum gradum habuerunt, quales tritus, & alii superiores.

1667 *Paternum* est, quod parentes, seu progenitores usque ad quartum gradum habuerunt, quales avus, abavus, atavus; *Novum* est, quod habet initium in persona investiti, neca progenitorum successione transmissum fuit. *Maternum* illud vocatur, quod à fœmina, cognationis capite, descendit, & juxta Baldum iisdem regulis tractatur, quibus antiquum, & paternum:

Dividitur 8. in dividuum, & individuum; *dividuum* est, quod admittit divisionem, qualia ea, quæ dignitatem non habent; *individuum* est, quod divisionem non admittit, qualia ducatus, Marchionatus, Comitatus, & reliqua, quæ dignitatem habent.

Dividitur 9. in Ligium, & non ligium: *Ligium* est, cum quis jurat domino, se fidelem futurum contra omnem hominem, nullo excepto: unde videtur fortiri nomen, à ligatione, seu legalitate: *non ligium* est, quando in juramento fidelitatis excipitur aliquis, ut qui jurat se Duci, futurum fidelem, & excipit Imperatorem, vel Regem.

1668 Præter hæc dantur quædam feuda, quæ dicuntur *franca*, seu libera, quæ scilicet possideri non possunt, nisi per homines Francos, hoc est *liberos*, & nobiles, vel genere, vel Regis privilegio, eosque immunes ab omni onere con-

tributionum &c. quibus obnoxii sunt ignobles, & plebeis; alia, quæ dicuntur *emptitia*, quod à Domino pretio comparare possint. Hoc à ratione feudi recti, & simplicis, non deficit, nisi in eo, quod gratuitum non est; emptio tamen substantiam feudi non mutat. Feudum præterea aliud est *annale*, quod conceditur sub pacto, ut annum duret; *Conditionatum* auctore Zasio, idem est, atque ad certum servitium adstrictum. *Degenerans* est, non rectum, sed id, quod à vera ratione legitimi, ac recti feudi degenerat, seu deficit. Vera autem, & compendiosa ratio, seu natura *recti feudi* hæc est: quod *ex gratiis beneficio domini originem ducat*; quod *ad hæredes transire postulat*; quod *constitutur in re immobili*; quod vasallus ad incerta servitia, fidelitatis sacramento, obstrangatur; quod sine culpa amitti non debeat: quod sine Domini, vel agnitorum consensu alienari non possit.

Quamvis autem *Livellus*, seu *Libellus*, & *contractus Libellarius* (ut notat Lefsius l. 2. c. 24. n. 6.) passim accipiatur tum pro *emphyteusi*, tum pro feudo (unde communiter id, quod datur in *emphyteusim*, vel *feudum*, dicitur dari in *livellum*) tamen annuentie Molina tom. 2. D. 471. *Livellus*, seu *contractus Livellaticus* dicitur propriè, quando *emphyteuta*, vel *Feudatarius* rem eam, quam in *feudum*, vel *emphyteusim* accepit, scilicet *contractu*, tradit tertio, ut sit veltuti *subfeudum*, vel *subemphyteusis*. Unde *livellare* est idem, ac *subinfeudare*, hoc est primum *feudum* acceptum dare in *feudum*; vel *subemphyteuticare*, hoc est primam *emphyteusim* acceptam dare in *emphyteusim*. Et hoc potissimum tradit ex variis Authoribus Benedictus Pereyra in *Elucidario*, l. 2. Elacidat. 13. sect. 2. à n. 993. ad rectam notitiam terminorum in hac materia frequenter occurrentium.

Not. præterea, inter species feodorum etiam numerari *feudum hæreditarium*; *feudum ex pacto*, & *providentia*, & *mixtum*. *Hæreditarium* est illud, quod vigore investitura accipitur pro se, & hæredibus, quibuscumque tam

ram suis, quam extraneis, sed mari-
bus; Feudum ex pacto, & providentia
est, quando accipitur pro se, & filiis,
seu liberis, nulla facta mentione hæ-
dum, qua talium; in quo feudo pro-
inde non succedunt nisi descendentes
masculi; & haec species est maxime se-
cundum naturam feudorum, quæ com-
muniter sanguini conceduntur: voca-
tur etiam *familiaire*; quia in familia pri-
mi acquirentis manet; *mixtum* feu-
dum est, quod de utroque participat,
quatenus accipitur pro se, liberis, & hæ-
dibus etiam extraneis, sed masculis tamen.

1671 Not. 2. Inter præcipuas qualitates, seu proprietates de jure, vel consuetu-
dine requisitas ad feudum proprie di-
ctum, ac ei ipso jure insitas communi-
ter numerari sequentes, ut sit res im-
mobilis, vel aequipollens; ut ejus do-
minum utile transeat in accipientem;
directum vero maneat penes conceden-
tem: ut ad masculos descendentes
transeat, idque in perpetuum: ut fide-
litas jurata præstetur domino; ut ex il-
lo servitium personale, & indetermi-
natum debeatur; ut gratis concedatur;
ut sine consensu Domini alienari non
possit, nec sine culpa vasalli ei auferri,
& similia, quæ pleraque ex definitione,
seu descriptione feudi elici possunt; ut
tradit Rosenthal. tract. de feud. c. 2.
concl. 52. Haunold. tom. 3. tr. 9. à n. 590.
& alii.

1672 Not. 3. Ex prædictis conditionibus
duas tantum pertinere ad substantiam
feudi, videlicet ut in feudum detur res
immobilis, vel quæ talis habeatur; &
ut is, qui rem in feudum accipit, fide-
litatem, & obsequiam domino promit-
tat, ac præster, sive cum juramento,
sive sine illo; & consequenter, ut domi-
num *directum* maneat penes dominum;
& *utile*, in feudarium transeat. Reli-
qua vero in feudo sunt præternaturalia,
ac veluti accidentalia, quæ salva feudi
substantia per actiones mutari possunt.
Sic Rosenthal. cit. c. 53. Haunold. cit.
n. 590. Azor p. 3. l. 10. c. 3. q. 2. & alii;
quibus præmissis potissimum nostri for-
ti est agere de feudis Ecclesiasticis; Igi-
turus;

§. I.

*Quænam bona Ecclesiastica in
feudum concedi possint?*

Communis regula est, quæ Eccle-
sie alienari non possant, nec concedi
posse in feudum; feudum enim habet ra-
tionem alienationis; & quidem magis,
quam emphyteusis; ideoque difficilis
in rebus Ecclesiasticis Prælato permittitur:
partim, quia feudum magis ad na-
turam beneficii, ac donationis, acce-
dit, ut pat. ex lib. 2. Feud. tit. 23: §. be-
neficium quid sit; & §. imprimis; dona-
tio autem specialiter prohibita est Præ-
lato, quippe non domino, sed adminis-
tratori tantum Ecclesie, c. 2. de do-
nat. partim, quia feudum fermè diffi-
cilius, aut tardius ad Ecclesiam reverti-
tur, quam emphyteusis: nam feudum
est jus alieno prædio in perpetuum fru-
endi, quod pro beneficio dominus dat,
ea lege, ut qui accipit, sibi fidem, &
militia munus, aliudve servitium exhibe-
at, ut colligitur ex lib. 2. feud. Qua-
liter autem res Ecclesiastica alienari pos-
sint? constat ex tit. 13. à n. 1148. præ-
sertim concessione in feudum à n. 1240.
ubi diximus, quando res in feudum ab
Ecclesia concedi solita, rursum similiter
in feudum conceditur; in hoc casu non
requiri solennitates juris, modo resil-
la, antequam fiat haec concessio, non
sit Ecclesia rursum incorporata; secus
si foret concessio nova, & non antiqua
continuatio; de conditionibus porro re-
quisitis, ne dicatur nova, diximus à n.
1243. his positis:

Prima quæstio est, quæ veniant in
consequentiali rei, cuius investituram
in feudum quis accipit? q. venire illa,
quæ tradi deberent emprori re vendita,
cujusmodi sunt ea, quæ ibi reperiuntur
tanquam ordinata ad percipiendam
ex illa re plenam utilitatem, seu fru-
ctum. Hinc concessa in feudum (vi-
nea v. g. vel sylva) censetur per conse-
quentiali quoque concessum *solum*, jux-
ta L. 13. ff. loquentem de servitib.
prædiorum Rustic. ibi: *certo generi agro-
rum acquiri servitus potest, velut vineis,*
Ddd 3 *quod*

398 Tract. in Lib. III. Decretal. Quæstio XX.

quod ea, ad solum magis, quam ad superficiem pertinet: ideo sublati vincis servis manebit; sed si in contrahenda servitate (idem est in constituendo fendo) aliud auctum erit, doli mali exceptio est necessaria.

1675

Quæstio est 2. an, si contingat vasallum Ecclesiæ decedere sic, ut feudum redeat ad Ecclesiæ, liceat Episcopo talis Ecclesiæ feudum alii dare, sive de novo infeudare, non obstante juramento non infeudandi de novo inconsulto Pontifice? ad hanc quæstionem ab Archiepiscopo Mediolanensi propositam Innocentio III. ut habetur c. Ex parte 2. h. t. respondit Pontifex: *in hoc casu feudum decadentis libere, si videris expedire, concedas.* Ex hoc textu communiter dedicunt Doctores, Prælatum (non obstante juramento de non infeudando non vasallo) antiquum feudum absque perjurii metu posse concedere; sic Navarr. de alienat. rer. Eccles. à n. 11. & alii. Unde juramentum, de non alienando sine Papæ licentia, non continet *solita alienari*, quæ inconsulto etiam Papa alienantur; sic Navarr. cit. & Gutierrez. de juram. confirm. p. 1. c. 52. n. 4. quo habetur, quod res *confusa infeudari*, potest iterum concedi in feudum sine solennitate, ut per Menochium, de Arbitr. casu 81. n. 5. cum seqq. Gonzalez. ad 8. reg. Cancell. gloss. 6. n. 194. Ut autem verificetur, *rum esse solitam in feudum concedi*, sufficere unicam concessionem ante factam cum lapsu 40. annorum tradit Jason 1. 2. consil. 155. col. 2. Rebuff. de reb. Eccles. non alienand. n. 33. & alii. Ubi tamen nota, quod diximus non procedere de *nova rei concessione*, quæ scilicet prius non fuit in feudum data; sed *concessionis continuazione*, seu jam alias in feudum data, nec ubi prima concessio expiravit, & res ad Ecclesiæ reversa est, eidem incorporata, prout dictum est à n. 1240.

1676

Ex cod. c. 2. habetur 2. Prælatum Ecclesiæ (si vasallus feudum, quod habuit ab Ecclesiæ, *licite* alienavit,) in eodem posse filium ipsius, vel consanguineum, feudi consortem, investire, si viderit expedire; 3. si feudum licite alienatum sit à Vasallo, ita, ut Prælatus Ecclesiæ (à qua tale feudum pender) non possit fa-

cile illud recuperare, posse talēm Prælatum id similiter concedere Laico ealege, ut feudum recuperet, & ab Ecclesiæ in feudum recognoscat; sic Innocentius III. in dict. c. *Ex parte*; quod tamen semper accipiendum, ut supra monuimus, si, postquam feudum liberatum est, & redivit ad Ecclesiæ, non sit eidem *incorporatum*; quia sic jus utile, rediens ad dominum directum, consolidatur cum dominio directo; & res, prius feudo subjecta, desineret esse *feudalis*; nam tali casu, si alteri concederetur, foret *nova concessio*; nec fieri posset sine iuri solennitatibus, ut diximus à n. 1240. quod etiam dicendum, si Prælatus videret illam *subinfeudationem* Ecclesiæ non expedire, ut notatur in c. *Ex parte* ibi: *si viderit expedire*; aut si obstat pactum, vel conventio inter Prælatum, & Capitulum.

Quæstio 3. est, an Vasallis liceat, in- 1677 consulto Domino directo, feudum, sibi concessum, alienare, alienatione transferente rei dominium, & proprietatem in aliū? *rg.* negativam haberi ex L. 2. feud. tit. 52. per constitutionem Lotharii Imperatoris, ibi: *decernimus, nemini licere beneficia: qua à suis Senioribus id est dominis directis habent, si ne iporum permissione distrahere, vel aliquod commercium adversus tenorem nostra constitutionis excitare, per quod imperii, vel dominorum minuatur utilitas?* Deinde adjicitur pena privationis: *Si quis vero contra hac nostra legi saluberrima præcepta ad hujusmodi illicitum commercium accesserit, vel aliquid in fraudem hujus legis machinari tentaverit, pretio, ac beneficio se caritatum agnoscat.* Et Friderici Imperat. tit. 55. c. 1. ibi: *Sanctius, ut nulli liceat feudum totum, vel parrem aliquam vendere, vel pignorare, vel quocunque modo distrahere, seu alienare, vel pro anima judicare sine permissione illius Domini, ad quem feudum spectare dignoscurit.* His iuribus accedit etiam ratio; quia nemo plus juris transferre potest in alterum, quam ipse habeat; sed Vasallus non habet jus proprietatis in feudo sibi concesso, cum id maneat penes dominum directum: ergo.

Circa istas constitutiones not. 1. cas 1678 procedere, si alienatio illa fiat invito do-

domino directo, ut constat ex Lotharii L. 2. ibi : *Sine ipsorum permissione, & Friderici ibi : Sine permissione illius domini, ad quem feudum spectare dignoscitur;* Sufficit autem, si consensus Domini ex postfacto superveniat, ut tradit Mynsinger. cent. 4. observ. 87. Deinde, loqui tex- tum de alienatione, qua, quocunque modo, feudum disrahitur; quamvis fructus feudi ad tempus vita sua possit alteri obligare. Locare autem feudum Ecclesiasticum ad tempus longum, interdictum est in Extravag. *Ambitio/a, de reb. Eccles. alien. non autem commoditatem, de quo V. dicta à n. 1257.*

1679 Dux superius n. 1677. alienatione *transferente feudi proprietatem in aliud;* Unde quæstio esse potest 1. an Vasallus inconfulto domino possit feudum dare in *pignus?* 2. An sub *pignoratione omnium bonorum* veniat etiam feudum? 3. An Vasallus possit de feudo *transire?* 4. An Domini consensus Vasallo datus pro alienatione feudi transeat etiam *ad ha- redes Vasalli?*

Ad 1. p. Per se loquendo non posse alteri, quam Domino; constat i. ex Constit. Friderici Imperat. in n. 1677. ibi: nulli liceat vel *pignorare*; Deinde ex L. 2. feud. tit. 8. ibi: *nam nec pignus, quod consultum dicitur, fieri potest ex feudo,* præsertim, cum pignus junctum sit periculo alienationis quoad proprietatem; nam in casto, quo non redimitur, pignoratarioris jus est illud vendendi, ut sibi ex pretio satisfaciat; dixi: *alteri, quam domino,* nam domino potest; & ita quidem, ut ille fructus non teneatur computare in fortem per c. i. h. t.

1680 Ad 2. p. Negativè. Nam Vasallus alteri oppignorans omnia sua bona non censetur pignori subjicere alia sua bona, quam, qua liceat potest; at licet feudum veniret etiam inter bona Vasalli, ut aliqui probabilititer existimant, arg. L. 4. fl. de V. S. quia tamen feudum inconfulto Domino per se loquendo Vasallo non licet in pignus dare alteri ex n. præcedenti, oppignorando *bona omnia*, non veniet sub tali pignore etiam *feu- dum*.

Ad 3. Non posse transactione posses- sionem in alterum transferere; nam hac esset distractio feudi in præjudicium

domini, quod n. 1677. cit. constitutionibus Vasallo prohibita est.

Ad 4. p. Probabiliter negari, si secundum hæreditarium non est; talis enim consensus est stricti juris, adeoque non debet extendi ultra personam Vasalli.

Quæstio 5. est, an Vasallus, absque 1681
consensu Domini, possit feudum sibi concessum *subinfeudare?* 2. An effectus subinfeudationis differat, sis si feudi novi, vel si antiqui? 3. An subinfeudatio etiam procedat in feudis Ecclesiasticis? 4. An liceat Subinfeudatio feudi subinfeudati? 5. Quid dicendum de subinfeudatione Ecclesia? 6. An ei locus sit in feudo jurisdictionis? 7. Quid juris, & oneris consequenter Vasallus ex subinfeudatione sibi facta? 8. An percat subinfeudatio amissio feudo?

Ante resolutionem nota, quod sub- 1682
infeudatio nihil aliud sit: quam actus

quo Vasallus feudum, quod habet, vel totum, vel aliquam ejus partem, alicui in feudum legitime concedit; Germani vocant: *Affter-Lehen.* Nota 2. in c. 19. de decimis, ex Concilio Lateranensi desumpto, sic statutum legi: *Prohibemus, ne laici decimam cum animarum suarum periculo decinentes, in alios laicos possint alicui modo transferre.* Si quis vero percepit, & Ecclesia non reddiderit, *Christianas copuluras privetur.* Ex quo textu communiter deducunt auctores, quod, si quis ejusmodi decimas habeat per modum *feudi*, non possit in illis aliud infeudare; *aliud*, inquam, *Laicum*, aut privatam personam; bene tamen Ecclesiam, quod conceditur c. 7. de his, que sunt à Prælato sine consensu Capituli; ibi in fine: *Sufficit con- sensus Episcopi, ut licitum Ecclesia sit de- cimas de manibus recipere laicorum; hoc au- tem de illis decimis intelligimus, quia Laici in feudum perpetuo sunt concessi: qui- bus positis:*

Ad 1. p. posse servatis tribus condi- 1683
tionibus; 1. Si dederint sincere, absque fraude; 2. Si ejusdem conditionis personæ; 3. Si eadem lege, vel pacto. Pri- ma conditio colligitur ex L. 2. Feud. tit. 3. §. Sed etiam res, ibi: *per feudum 24- men cuilibet dare potest, nisi fiat in frau- dem nostræ constitutionis, de non alienan-*

do.

400 *Tract. in Lib. III. Decretal. Quæstio XX.*

do. Secunda tit. 26. §. Vasallus. ibi: in feudum tamen recte dari potest, dum tamen militi detur, & §. similiter tit. 34. ibi: in feudum tamen recte dabit, si secundum persona sit talis, qua feudo servire possit, ut si das miles sit, & ille, qui accipit feodium, inveniatur miles. *Tertia cod. §. Vasallus,* paulo post, ibi: *Profecto ille, qui suum beneficium aliis dat in feudum, non debet alia lege dare, nisi, qua ipse habeat:* Ut, si habeat sibi, suisque hæredibus (quod intelligi debet de solis masculis) non debet aliis dare, ut habeat ipse, & sui hæredes masculi, & foeminae. Hæc tamen intellige, quando Vasallus non accepit feodium ea lege, ut ei proprio corpore insistat. *Cœterum, estò co-*
stitutione Friderici Cœfari Vasallo prohibita sit omnis alienatio feudi inconsulto Domino; non tamen intelligitur de subinfendatione; quia non est pro-
prie alienatio, seu translatio juris feu-
dalnis in subfeudarium, cum extinc-
tione oneris in subfeudante; cum adhuc maneat Vasallus, & obstrictus ad
oneram feudi, quantumvis alteri subin-
feudati.

1684 Ad 2. r^e. Esse hoc discrimen, quod, si feodium sit *antiquum*, mortuo Vasallo subfeudante, per eos, qui jure vocantur in Successionem, possit feodium avocari à Subfeudatario; Cum resolute jure dantis, resolvatur jus accipientis, per L. 31. f^r. de Pignorib. statutum feendum sit *novum*, & hæredes Vasalli subfeudantis non velint, aut jure non valeant succedere in feodium, posse retineri ab eo, apud quem subfeudatum est, si Domino directo præstare vellet onera tali feudo imposita; nam iste subfeudationis effectus est, ut dicemus n. 1687.

1685 Ad 3. r^e. Quod sic; cum iure Ecclesiastico nihil in contrarium dispositum sit extra casum, quem n. 1682. retulimus ex c. 19. de Decimis.

Ad 4. r^e. Quod sic, seclusa consuetudine, conventione, vel statuto restringente solum ad certum numerum generationum, vel personarum, prolixi constat ex §. similiter relato superiori n. 1683. ibi: *& ut hoc dare liceat usque in infinitum.*

Ad 5. r^e. Ecclesiam, alicui concessam

in feudum, non posse subfeudari, ex L. 2. feud. tit. 13. §. *Si Clientulus.* ibi: *Inde presumi potest, si Clientulus facerit libellum in perpetuum de feudo suo alicui Ecclesia, non valeat:* Ideo scilicet, quia nunquam reversum sit ad Dominum, cum Ecclesia non desinat esse hæres; quod observandum est, & in privato ex natura perpetui libelli.

Ad 6. communiter affirmatur, si Vasallus habeat feodium, intra, vel extra curtem Domini, modo sit in territorio, quod subiacet jurisdictioni domini directi, quia iura non distinguunt; per curtem autem Domini intelligitur ejus Curia, ut notat Pereyra in Euclid. n. 1885. ex L. *Capitalium.* f^r. de poenis.

Ad 7. Resp. Subfeudarium ex sub- 1686 infederatione consequi jus utile cum omnisi commodi perceptione, subalternatum tamen, seu aliquo modo, minorum mediata subjectum domino directo, ut si subfeudans in debitis obsequiis deficeret, ab isto exigi possent, ne Domino directo Subfeudatio nullum omnino cominodum ferat, quamvis Subfeudatus (loquendo immediate) Vasallus sit subfeudans.

Ad 8. Resp. Questionem procedere de casu, quo feodium perit in Vasallo *immediato*, ut revertatur in manus Domini directi, vel per *feloniam*, vel refutationem, quin per hoc ulli descendenti, vel agnato aperiatur? quo positio communior sententia negat ex L. 2. feud. tit. 9. §. si vero, ibi: *Si tamen si ne hærede masculo descendente deceperat, et feendum in manu Domini refutabat, aut alia forte ratione intercedente culpa amitterebat, tunc omnis feudi alienatio ad irritum revocabatur, eo excepto, quod ille qui secundo loco feendum accepereat, non amitterebat, si priori Domino servire, & ab eo fiduciam recognoscere velet.*

Not. autem per *refutationem* feudi intelligi ejusdem renunciationem, secessione factam à Vasallo, quæ erit refutatio *propria*, seu realis, si fiat iniurias Domini: *improperia* vero, si fiat agnatis: per *feloniam* autem intelligitur culpa injuria, propter quam Vasallus amitterit feodium v. g. si tribus vicibus, legitime citatus, fidelitatem præstare nolit: vel, si infeudavit alia lege, quam ipse ha-

habeat; vel talem Vasallum, qui feudo inservire non potest. V. Hostiens. in summ. de feudis.

1688 Not. 2. Quando dicitur, ad Subinfederationem requiri, quod fiat *sincere*, & *absque fraude*, requisitam sinceritatem lœdi, si fieret in re venditio, licet dicetur subinfederal; vel à Vasallo vidente se paulo post deceplurum sine liberis, & sic dominus directus cogetur ex subinfederatione sustinere novum Vasallum juxta n. 1687.

Not. 3. Per verba: *eiusdem qualitatis, & conditionis*, non denotari *nobilitatem*, quasi Comes esse debeat subfeudatus, si subinfederal Comes sit; sed intelligi qualitatem, qua æquè onera feudi sufficiere, & Dominus eadem, ac prius facilitate illa recipere possit.

Not. 4. Non valere subinfederationem, quando Vasallus in investitura specialiter prohibitus fuit, *ne feudum alienet*; nam in tali, per ius commune illi aliunde interdicta est omnis alienatio proprie dicta; ergo, ut frusta non sint verba pacti adjecti in investitura, & consequenter aliquid operentur, intelligi debent etiam de subinfederatione, licet strictè non sit alienatio.

§. 2.

An Ecclesia amittat feendum ex delicto, quod alias inducit privationem feudi?

1689 A Nte resol. not. plures esse casus, quibus ex delicto feendum amittitur; primus est, si vendatur feendum absque consensu Domini, constat ex dict. à n. 1677. ibi: *precio, ac beneficio se caritatum agnoscat*. 2. Per feloniam, ex n. 1687. tertio neglectu infestituræ, per l. 2. feund. tit. 24. §. prima; quod tamen intellige, si hoc fiat Vasalli dolo, vel culpa per tit. 52. §. fin. petenda autem est, si feendum sit antiquum *intra annum, & diem*, si Vasallus sit paganus; intra annum, & mensem, si miles per cit. §. Prima, & L. 1. tit. 22. per investitaram autem intelligitur solennis actus, quo Vasallus Domino ad fidem obligatur, & in

Tom. III.

rei feudalis possessionem mittitur, de quo v. dicenda à n. 1724. In feudo autem *novo* non committitur feudum à non perente investitaram, nisi negligendo, cum Dominus urget.

Quarto feendum amittitur recusando fidelitatis juramentum per L. 2. tit. 24. §. eß; quinto, si domino debita servitia non præstiterit, tit. 24. §. item; quod maxime consideratur, ut colligitur ex L. 1. tit. 5. sexto, si feudo abutatur per L. 2. tit. 27. §. publici latrones; septimo, si domino abneget feendum, vel eius conditionem, aut pacta adjecta, per l. 2. tit. 26. §. si Vasallus; octavo, si egredit contra formam fidelitatis; nono si factus sit infamis infamia juris, per tit. 37. l. 2. plures eius causas, ex quibus propter delictum Vasallus privatur feudo, videri possunt deductæ ex libris feudorum apud Haunold. tom. 3. tr. 9. à n. 851. Illud hic annotandum, quod idem author tradit n. 863. Vasallum feudo privari posse Judicis sententia non tantum ex causis in feudali jure expressis, sed etiam ex causis similibus, aut majoribus.

Ratio sumitur ex §. item qui. tit. 24. 1691 ibi: *Sed quia natura novas deproperat edere formas, potest multis modis configere, ut alia emergant causa, quibus videatur justè adimi posse feendum; ideoque index solers, & discretus, & arietati obsecundare sollicitus, cuncta similiter dispensans, provideat, si qua fuerit antiquioribus causis similis, seu major, ut proinde sciat, utrum beneficium sit amittendum, an nihilominus retinendum?* Sed nota hoc constitutum jure speciali in materia feudorum, non ad casus alios extendi debere, nisi etiam in iis expressè cautum sit, *quod à similibus ad similia procedi possit*; quibus positis:

Ad quæstionem initio propositam R. 2. distinguendum, **an Ecclesia perdat feendum ratione delicti ab ejus Prælato admissi?** an verò Clericus jure suo, non Ecclesia, habens feendum? Quare Resp. 1. Clericum, vel Prælatum in feudis patrimonialibus, paternis, aut privatis, ad se pertinentibus, estimari tanquam Laicum, ut tradit Layman. D. de alien. ter. Eccles. thesi. 95. consequenter eo privari, si committat delictum, ex quo codem

Ecc *privata-*

Tract. in Lib. III. Decretal. Questio XX.

402

privaretur Laicus , & ratio est ; quia in materia talis feudi etiam Clericus conveniri potest coram Domino directo feudi per c. *Cæterum* 5. de Judicis , ubi dicitur , quod , si Ecclesia aliqua (v.g. Monasterium) quibusdam prædia concilis in feudum , & inter vasallos controversia oriatur circa feudum , tum ordinarius Judex v.g. Episcopus se immiscere non potest ; Sed quæstio illa feudalnis coram Domino feudi , qui in casu nostro est Abbas , agitari debeat , dummodo actor ibi iustitiam consequi possit ; alioquin Ordinarius loci adiri poterit ; quo habetur , quod Dominus feudi ordinariam habeat jurisdictionem , si inter vasallos orta sit controversia , feendum ab ipso acceptum concernens ; ut habetur lib. 2. feud. §. *Præterea* , de prohibita feudi alienatione per Fridericum Imper. ad hoc autem duo requisita sunt .

1. ut controversia sit super feudo , seu jure feudali , ita , ut ex legibus feudorum lis decidenda sit ; 2. ut uterque litigantium agnoscat se Vasallum , ut bene hic Decius n. 11. Si autem non Vasallus cum Vasallo contendat , tum ad ordinarium Judicem (si iste diversus sit à Domino feudi) recurri debet , ut coligitur ex lib. 2. feud. tit. 27. de pace tenenda. §. *Siduo*. V. dicta l. 2. tit. 1.

1693 R. 2. Si Prælatus Ecclesie , habens ratione sua dignitatis Ecclesiastice feendum Ecclesiasticum , pertinens ad solam ejus mensam , delinquat , delicto , cui annexa sit privatio feudi , non propterea privari Ecclesiam , sed solum Prælatum , sic , ut , dum est in ejus administratione , careat omni ejus utilitate ; quo tempore feendum redit ad dominum directum , *quod fructuum perceptionem* , non tamen nisi dum alias in eadem dignitate succedat . Ratio primi sumitur ex reg. 76. in 6. ibi : *Quia delictum persona non debet in Ecclesia detrimentum redundare* ; ratio secundi , quia pena sequitur , & tenet auctorem delicti , non alium , ut habetur l. 2. feud. tit. 40. de Capitulis. §. *Item si Clericus* , propter rationem in præmissis .

1694 Dixi : Si pertineat ad solam Prælati mensam ; nam si pertineret ad solum Capitulum , hoc propter delictum Prælati non punitur ex data regula 76. si ipsum

delicti non sit particeps , ut colligitur ex c. *Damnamus* 2. de summa Trinit. ubi ex errore Joachimi Abbatis , Monasterii Florensis , per Concilium damnato , nihil redundavit in ejus Monasterium : Si denique pertineret communiter ad mensam Prælati , & Capituli , propter solius Prælati delictum Capitulo staret jus fructuum ex feudo secundum portionem alias respondentem .

§. 3.

An Dominus directus , à Vasallo recipiens feendum in pignus debiti , teneatur fructus computare in sortem ?

C^{asus} esse potest , si Vasallus ab Ecclesiæ accepit in feendum certas ejusdem possessiones ; deinde contracto debito propter mutuum ab eadem acceptum ; eidem in pignus debiti ex mutuo , cedit easdem possessiones : videatur enim in hoc casu Ecclesiæ , seu dominum directum teneri , fructus , quos percipit ex pignore , compensare in sortem ; ne committat usuram , vi mutui accipiendo aliquid ultra sortem , si haec integra solvenda illi foret à mutuariō ? Quæstionem hanc Innocentio III. proposuit Mariensis Episcopus .

Ad hanc quæstionem respondit Pontifex , quod *gageria* , quam de feudo Ecclesiæ sua Episcopus iste à quodam M. recepit , liberè possit ab illo detinere , *fructibus non computatis in sortem* , ita tamen , ut , quam diu Episcopus , fructus illos recipit , *in sorte minime computandos* , idem M. à servitio , ad quod pro feudo tenetur , sit immunis ; ubi nota *gageriam* lingua veteri Germanorum idem significare , *quod pignus* , ut notata Glossa ibid. v. *codem* .

Difficultas est 1. quomodo id procedat , cum generaliter dicatur , *dominum non teneri fructus feudi computare in sortem* , si fructus excedant servitia , quæ feudo apud Dominum loco pignoris existente remittuntur ? 2. an hoc etiam procedat de fructibus ex melioratione feudi

feudi per Vasallum facta ? 3. an hoc procedat non tantum , si Dominus directus sit Ecclesia ; sed etiam , si secularis ? 4. an si feudum sit emptitium saltem ex parte ? 5. an idem procedat , si Domino directo in pignus detur res emphyteutica?

1698 Ad 1. respondent aliqui , propterea Dominum posse tali casu percipere fructus feudi omnes (seclusis iis , qua nascuntur ex meliorationibus Vasalli) quia hoc , *Speciali jure* , statutum est in favorem Ecclesiae , quando vicissim Vasallo remittuntur servitia ; verum textus probabilius procedit in feudo non tantum Ecclesiastico , sed etiam civili , seu seculari , ut constabit ex seqq. Nec in hoc attenditur *ratio Ecclesie* ; si enim fructus pignoris illicite non computantur in sortem , nec Ecclesiae licebit ; cum usura sit prohibita jure naturali , & divino. Si autem sit licite , etiam in feudo seculari procedet.

1699 Alii censem , ubi feudum à Vasallo datur domino directo in pignus , illud consolidari cum dominio directo , consequenter à Domino fructus ejus percipi ex re sua , ubi nulla intervenit usura ; pro hac opinione referuntur Abbas in dict. c. 1. h. t. n. 5. Imola n. 7. Fagnanu n. 2. Verum hanc consolidationem negat Covart. I. 3. resol. c. 1. n. 4. Cum in jure nullibi dispositum reperiatur , feudo dato in pignus Domino directo , jus utile consolidari cum proprietate , seu redire ad dominum directum , aut eo casu jus percipiendi fructus feudi definire in Vasallo.

1700 Vera ratio petitur ex natura , seu conditione feudi , quod alicui conceditur propter servitia , mutua conventione Domini directi , cedentis Vasallo jus utile , & Vasalli obligantibus vicissim se ad servitia constituta illo pacto ; unde sive excedant , sive minora sint fructibus feudi , hoc non attenditur supposito contractu feudali ; & Dominus eos sibi capiet , quam diu Vasallus servitia præstare cessat ex hoc defectu , coactus Domino directo feudum oppignorare. Nam Vasallus jus percipiendi fructus ex feudo solum habet , quam diu non cel-

sat à servitiis ; Ita Zoësius h. t. n. 6. Barbos. in dict. c. 1. n. 2. & alii ; id quod procedit , sive fructus excedant , sive minores sint servitiis debitae ; si semel deductum est in pactum , ius utile Vasallo comperere quoad perceptionem fructuum solum præstitis servitiis conventis.

1701 Ad 2. qz. quod non , de illis fructibus , qui proveniunt ex melioratione feudi solum extrinseca per Vasallum facta ; nam pro his constituta non sunt servitia ; quia quamvis illa fructuum pars , qua juxta viri boni arbitrium proportionabiliter servitiis respondet durante pignore , illis cessantibus ad dominum pertineat , illa tamen , qua meliorationibus , aut expensis correspondet , in sortem principalem necessario computari debet ; alias usura committitur.

1702 Ad 3. Resp. quod sic ; juxta dicta n. 1700. excipitur tamen ab universali regula. 1. feudum *francum* , de quo n. 1668. nam in hoc Vasallus omnino liber est ab onere obsequiorum , ex natura , seu conditione talis feudi ; ita Sylvester V. *Feudum* n. 3. ad 4. qz. qua parte feudum est emptitium , seu non gratis datum ; sed pretio concessum , non esse feudum , proprio , ac ordinario , sed extraordinario modo concessum , de quo non agitur in dict. c. 1. consequenter fructus ex feudo , qua parte respondentem exemptioni , non posse sine usura non computari in sortem à Domino directo , si etiam eam partem feudi à Vasallo accepit in pignus ; quia remissio servitorum non relevat eam partem feudi à Vasallo , comparatam pretio , sicut alteram , adeptam pro servitiis. Quod autem dictum est in c. 1. de feudo , censem communiter etiam dispositum de emphyteusi , Fagnan. in cit. c. 1. h. t. & seq. ac alii . cum ambo in paucis differant , & argumento à feudo ad emphyteusim in hac materia legitimum tradat Everardus arg. legati à fendo , ad emphytensem.

§. 4.

*An Clerici, tam seculares, quam
Regulares, succedere possint
in feudo?*

1703 **S**i velimus inhärere apicibus juris, dicendum est, Clericos in sacris constitutos arceti à feudis per text. lib. 2. feud. tit. 30. ibi: *Ex hoc illud descendit, quod dicitur: Clericum nullo modo in beneficium paternum debere succedere, etiam si postquam habitum Religionis assumperit, postposuerit; idem in omnibus, qui habitum Religionis assument, ut conversi: hi enim nec postea in feudo succedant: & si quod habent, perdant.* Deinde tamen de Clericis istis, quam Religiosis professis extat textus eod. lib. 2. tit. 26. §. si quis ibi: *Qui Clericus efficitur, aut votum Religiosis assumit, hoc ipso feudum amittat.*

1704 **S**tando igitur in hoc rigore juris feudalis nihilominus dicendum, 1. His textibus non comprehendendi nisi Clericos in sacris; nam hi solum perpetuo inhabiles sunt ad obsequia feudorum secularium; non autem, constituti solum in prima tonsura, & minoribus; cum isti possint ex libitu redire ad statum secularrem; 2. non procedere in feudo franco; quia in hoc servitia sunt remissa; 3. nec in Religiosis non professis, nec constitutis in sacris, cum & hi possint ex Religione dimitti, & ad seculum redire; consequenter impediti non sint perpetuo, ut tradit Haunoldus tom. 3. tr. 9. n. 792. quod à fortiori procedit de Novitiis.

1705 **Q**uestio est, an Clericus in sacris, vel Religiosus, ex dispensatione Papa transiens ad statum secularis, esset capax feudorum, non obstante illo rigore juris feudalis? In hac questione distinguit Rosenthal conclus. 30. n. 3. lit. D. apud Haunold. §. illud: inter feuda post dispensationem oblata; & ante aperta, seu devoluta; & affirmat quoad oblata; non, quoad ante aperta, vel devoluta; cuius ratio est, quia supposita tali dispensatione, & facto transitu ad statum secularis, sublata est inhabilitas ad obsequia ex feudo debita, pro-

pter quam leges feudales, allatae superius, eos excludunt à successione, vel acquisitione feudi; ante illam autem, adhuc stant. Et ideo etiam filius professus in Religione bonorum tam in communi, quam persona particulari, & omnis successionis incapace, esto excluderetur à successione paterna tam ex testamento, quam intestato, dum est in eo statu, posset tamen utroque modo succedere, si pater obiret, postquam translatus est legitime ad Religionem eorum bonorum, ac successionis capacem; sed hæc de rigore juris feudalis.

Specata vero consuetudine in pluribus regnis, & provinciis aliter discurrendum est, cum hæc res tota sit meritis positivi humani, adversus quod consuetudo legitime inducta jure prævaler; unde plures sunt casus excepti, ubi cum primis oppositum communibus feudorū legibus laicis secularibus observatur *quoad Clericos non Regulares*. Primo enim, ubi feudum annexum est dignitati Ecclesiæ, id transit in Successorem, ut constat ex usu Germaniæ, ubi Episcopi, qui succedunt in dignitate, cui feudum annexum est, succedunt præter in feudum Imperiale; id quod etiam jure canonico receptum est c. 7. de foro compet. ubi etiam Clerici Domino directo feudi, esto secularis sit; & laici, Ecclesiastico (si feudi Dominus directus sit) in causis ad tale feudum pertinentibus, subjiciuntur. Deinde idem dicendum est 2. si feudum sit franco ex n. 1704. 3. Si servitium præstandum non dedecet statum Clericalem; 4. Si tantum sit reale servitium; 5. Si foret alienum à statu Clerici, sed à Domino directo permittatur præstat servitium per alium. 6. Si feudum sit hereditarium ad quoscumque hæredes; &c. hæc de jure seculari.

Nam spectato jure canonico secus est, 1707 ut colligitur 1. ex c. *Transmissa*. 6. de foro competente, ubi dicitur, quod si quæstio feudalis est inter Clericum, & Laicum, cognoscet Dominus feudi: sed eo negligente, cognoscet delegatus Papæ, etiam ante negligentiam datum; & c. *Verum*. 7. eod. ubi dicitur: per dominum feudi secularis, sive Ecclesiastici

asticum, quæstionem feudalem terminari debere, etiam si Vasalli sunt Clerici; & si plures prætendantur Domini, non posse unum cognoscere, maxime alio præsente, an feudum ad eum pertineat? Demum etiam c. *unio* de statu Regularium in 6. §. *verum*. ibi: Verum quando Abbatissa, vel Priorissa cuiusvis monasterii pro feudo, quod monasterium ipsum tenet ab aliquo principe, seu domino temporali, sibi debet homagium, vel fidelitatis sacramentum præstare, (nisi, quod per Procuratorem illud præstet, possit efficere apud eum) de monasterio cum honesta, & decenti Societate exire poterit eo casu licenter, homagio facto, quamprimum cominode poterit, seu fidelitatis præstato sacramento, ad ipsum monasterium è vestigio reversura; sic, quod in fraudem residentia, sive moræ claustralibz, nihil fiat omnino.

1708 Ex his enim iuribus clare deditur, spectato jure Ecclesiastico, Clericos, Religiosos, eorumque Monasteria, esse capacia, ut feuda habeant non tantum Ecclesiastica, sed etiam secularia, seu à Principibus Secularibus concessa, ita quidem, ut hoc etiam extendatur ad Monasteria Sanctimonialia; quo casu Abbatissa, vel Priorissa, quæ propter feudum tenetur præstare juramentum fidelitatis alicui domino seculari, si per Procuratorem illud præstare nequit, potest cum honesta societate exire, modo statim præstito juramento, revertatur; ita Sanchez in præcepta Decalogi tom. 2. lib. 6. c. 13. n. 51. Bonac. de clausur. q. 1. punc. 9. n. 9. adverrens in hoc casu superioris licentiam petendam esse; quod, si nulla causa ductus, illam deneget, hoc constito posse auctoritate juris Abbatissam ingredi. Ex quo habetur, quod possit Vasallus ex consensu Domini juramentum fidelitatis ipsi domino feudi præstare per Procuratorem, habentem ad id speciale mandatum, Sanchez in præcepta Decalogi tom. 1. l. 3. c. 13. n. 21. ubi n. 17. Subdit, quod juramentum, quantumcunque personale sit, ex parte jurantis, possit præstari per procuratorem.

1709 Nec obstat ea, quæ allegantur in contrarium ex libris feudorum, de quibus

n. 1703. nam illæ leges non loquuntur de feudis, quæ Clericus acquirit primum, postquam Clericus factus est; sed illis, quæ, cum adhuc laicus esset, habebat spe successionis, & ubi contingit casus, quo ad successionem vocaretur, non amplius est Laicus, sed Clericus, de quo V. dicta n. 1705. Deinde negandum est, respectu Clericorum, vel Religiosorum, dictis feudorum legibus Laicis, locum esse, quia consuetudines, seu leges feudales, quæ disponunt ut persona Ecclesiastica, non modo feudum non acquirant, nec in eo succedant, sed etiam ut perdant, quod prius habebant, cum specificè disponant de rebus ad Ecclesiás; vel Ecclesiasticas personas pertinentibus ratione utilis dominii, non valent ob defectum potestatis, ut constat ex c. *qua in Ecclesiarum* 8. de const. nulla enim jurisdictione se potest extendere ultra limites. L. ult. ff. de jurisdictione: & docet Fagn. in cit. c. *qua in Ecclesiarum* n. 52.

Quæstio est, ansi Vasallus profiteatur in Religione bonorum temporalium capaci, saltem in communi, feudum, quod habet, per consequentiam personæ transeat ad ejusmodi Religionem? R. quod sic, modo feudum tale sit, ut servitia, ratione illius debita, etiam à monasterio præstari possint, prout est in casibus allatis n. 1706. Dixi: bonorum temporalium capaci; secus enim facta professione transfirat eos, qui jure vocantur, perinde, quam si vasallus naturaliter mortuus esset; ratio autem data resolutionis est, quia monasterium bonorum temporalium in communi habendorum capax, succedit ipso facto, jure personæ in istum translatae, accessoriè, & per consequentiam personæ sine ulla exceptione alicuius juris, succedit in omnia bona sui professi, quæ ante ingressum habet, & de quibus ante non dispositum fuit; sed inter illius bona ponitur feudum cum oneribus præstabilibus à monasterio (ut ponitur in casu) ergo si de illo ante ingressum non disposuit, per consequentiam personæ, & accessoriè transit in Monasterium: ergo religiosa professione non extinguitur; major probatur, nam monasterium habens jus bonorum in com-

Ecc 3

muni

406 *Tract. in Lib. III. Decretal. Questio XX.*

muni , & successionis , succedere in omnia Religiosi bona , de quibus ante professionem non dispositus , sive ab ipso ante professionem , sive post acquista sint , sive titulo donationis , hereditatis , aut quoconque alio acquisierit ; constat aperte §. ingressi . & §. si qua mulier . C. de sacrosanct. Eccles. desumpt. ex §. Illud quoque authent. de Monachis , & §. si qua authent. de sanctiss. Episcop. item c. si qua mulier &c.

1711 Not. autem 1. has legum constitutions non habere vim , quatenus solo iure civili inducta sunt , ut recte notat Azor tom. 1. instit. moral. lib. 2. c. 8. q. 1. (quia expresse constituant de Monachis) sed quatenus approbatae sunt a potestate Ecclesiastica : eas autem approbat D. Gregor. Papa 1.7. registri indicat. 2. epist. 7. qua approbatio referatur in cit. c. quia ingredientibus ibi : Sed res eorum ejusdem monasterii juris sunt , uperta legis definitione decretum est ; id , quod communi omnium Pontificum consensu receptum est. Hanc porro successionem in omnia jura sui professi , extendit Sanch. cit. l. 5. Decalogi c. 4. n. 6. ex privilegio Pii V. etiam ad casum , quando ante finem Novitatus fit professio in articulo mortis.

1712 Ex hoc nota 2. quod professus in religione bonorum capaci per professionem non amittat iura suitatis , & agnationis ; sed succedat tanquam heres , eademque per consequentiam persona in monasterium professione sua translate secum ferat ad monasterium ; ita Wadings de contract. D. 5. d. 7. §. 2. n. 5. Sanch. cit. lib. 7. c. 12. n. 5. ex L. fin. C. de Episc. & Clericis , ubi annotat , ejusmodi professum perinde succedere , acsi Religionem ingressus non esset. Ex quo deducit , quod monasterium sui professione nomine retineat omnes qualitates , & prærogativas filiorum ; cum ex n. dict. ad monastericum secum ferat omnia sua iura , quæ ante ingressum habuit.

1713 Sed hoc limitatur 1. ut non procedat de monasterio , nec bonorum in communione capace ; nam in tali Religione , professio aquivalet morti naturali , quæ extinguit omne jus , vel communiter , vel particulariter habendi bona temporalia. 2. Ut solum procedat , quam diu

professus naturaliter vivit ; cum monasterium prædicta sui professi iura habeat , non suo , sed persona in ipsum translate nomine. 3. Ut solum procedat in casu , quo Religiosi talis Religionis non habent in particulari bona ; si enim illa habeant , in hac non succedit monasterium , sed ipse Religiosus.

Not. 3. statutum excludens à parentum successione filium , religionem ingressum , esse iniquum , & irritum ; sic citatis in favorem hujus sententia plurimis legistis , & canonistis , expresse docet Sanchez cit. n. 18. Nam tale statutum Laicorum nequit unquam ejusmodi filium ligare ; vel enim ligaret eum ante Professionem ? vel emissum jam professione ? De primo videtur certum , quod non ; nam quovis instanti professionem antecedente manet successionis capax , utpote sui juris æque , ac non religiosus ; in ipsa autem actuali professione , & post illam , nullo modo subest jurisdictioni Laicorum. Nam leges civiles , licet faveant Clericis , etiam expressam ipsorum mentionem facientes , nisi recipiantur ab Ecclesia , ipsos non ligant ; cum ferantur in non subditū.

Si dicas cum sententia contraria : et si 1713
tale statutum sit irritum , sive disponat ingressum religionem non succedit , si tamen sic disponat : ingrediens religionem non succedit , valet ; quia priori casu statutum afficit jam effectos Religiosos , in quos statutum laicorum jurisdictione caret , sicut & potestate ligandi Religiosos , & quascunque personas Ecclesiasticas : at in posteriori casu afficit eos ante ingressum , quo tempore seculates sunt ita Bartol. L. fin. lectura 1. n. 6. C. de pactis. 2. licet ejusmodi statutum sit in Religiosos , ante ingressum Religionis ; & consequenter tempore habili , quia tamen ejus effectus confertur in tempus inhabile , nimurum in tempus post ingressum (nam ante hunc non liget absolute , sed solum conditione sub conditione , quæ ponitur , dum non subsunt amplius jurisdictioni) omnino irritum erit. Idem enim est , aliquid fieri tempore inhabile , & ejus effectum conferri in tempus inhabile , per L. quod sponsa. C. de donat. ante nuptias.

Not. 4. Monasterium accessoriè suc-

ce-

cedens in bona sui professi, nimirum ratione personæ, religiosa professione in ipsum translata; non succedere, *ut heredem propriæ*, nec *jure hereditario*, sed jure cuiusdam acquisitionis naturalis, & accessoriæ personæ. Constat ex Authent. Ingressi C. de sacrosanct. Eccles. ibi: *ipso ingressu se, suaque dedicat Deo*: ubi nota, lis *ipso ingressu*, idem esse ac *ipso facto*, ut constat ex authent. de Monachis. §. illud quoque ibi: *ingredientem simul sequuntur res*; nam *heredes* non acquirunt ipso facto hereditatem reliquam, vel possessionem, L. *cum heredes* ff. de acquirenda possent. secus autem est in casu, quo monasterium succedit in bona professi, qua habuit ante ingressum, ut dictum est; ita Sanchez l. 7. Decalogi c. 12. Waddingus de contract. d. 5. d. 7. §. 2. n. 3. & apud illum legistæ cum Bartolo in auth. *si qua mulier*. C. de sacrosanct. Eccl. Baldus L. *filium*. ff. qui sibi sunt: volentes ejus bona per consequentiam Personæ transire in monasterium, sicut in arrogantem bona, & jura arrogati. Institut. de acquisit. per arrogat.

1717 Dixi, quando monasterium succedit accessoriæ, nimirum ratione personæ in ipsum translata; secus enim quoad acquisitionem possessionis ipso facto fallit 1. si transferens se, suamque personam, sibi providit, expresse, & principaliter etiam transferendo bona, ita Sanchez cit. n. 25. nam tali casu absque traditione non acquirit monasterium dominium, & possessionem. Fallit 2. si monasterium tempore professionis contradicit acquisitioni bonorum. 3. Fallit in aliis honis, quæ accidunt primo post professionem; nam in his ipso facto acquiritur solum dominium; sed possessione capienda est, ut docet Abbas c. *In presentia*. de probat. n. 74.

1718 Ex hoc etiam sequitur, idem dicendum esse, si quis habeat usumfructum, eum pariter cum usufructuario transire in Monasterium per consequentiam personæ, si in eo usufructuariorum legitimè professus sit, & monasterium sit capax habere bona temporalia in communione; hanc sententiam tuetur Cynus, Baldus, Salycketus, Bartolus, Sylvester, Molina, Azor, & plurimi alii, quos citat, & sequitur Thomas Sanchez l. 7. Deca-

logi c. 13. n. 48. ratio est eadem, quæ in n. 1710. de emphyteusi autem dicemus à n. 1741. si dicas ususfructus est *jus personalissimum*, ac ita personæ cohærens; ut nec cessione, nec alio modo possit in aliud transire; ergo extinguitur professione religiosa etiam in Religione successionis capaci; patet conseq. quia tali casu nec potest remanere in professo, cum sit redditus incapax cujuscunque proprii habendi; nec potest transire in monasterium, quia sic transire in aliud, quod juri personali repugnat: ergo. Nam *se trans. ant. N.* conseq. & dico, quod tali casu transeat in monasterium per consequentiam personæ. Quare not. monasterium posse dupliciter comparari ad illum usumfructum recipiendum. 1. ratione sui, & non ratione personæ in ipsum translata. 2. non ratione sui, sed ratione personæ in ipsum translate; si consideretur hoc secundo modo, manifestum est, quod monasterium ratione sui professi per consequentiam hujus personæ habens usumfructum, non sit alia persona ab usufructario; cum usufructarius sit formalissimè illa persona, ratione cuius monasterium habet usumfructum, quamdiu ille naturaliter vivit. Quare in dato casu non est simpliciter verum: *monasterium habet usumfructum*; sed cum addito *per consequentiam personæ*, quo notatur jus personæ in ipsum translata esse in monasterio per ipsam personam translatam, non sine ipsa, sicut jus partis est in toto ipsam includente, sed non sine illa.

Dixi: trans. ant. Nam quando dicitur, quod ususfructus sit *jus personale*, & non egrediatur personam, nec transeat in aliud, verum est, si sermo sit de transitu *per cessionem*, vel *transmissionem in alterum*, auferentem ipsum à cedente, vel priori Domino; non autem si cum ipsa persona transeat in aliud, illud habentem solum per consequentiam personæ, & acquisitione naturali; nam hoc ipso, quod leges cit. n. 104. concedant Monasterio sine ulla exceptione omnia jura, & bona professi, quando se Deo dedicat, eo ipso declarant usumfructum, *non sic esse personalem*, ut cum ipsa persona, & ratione illius, quam

quam diu hæc naturaliter vivit, esse nequeat in Religione, cui se dedicat, & in qua est ipsa persona usufructuaria, quia sic non abit à persona; sed stricto jure illud *habendi communiter* ab eadem retinetur etiam post professionem. Quia professio in religione bonorum capaci, non æquivalet morti naturali (ut malè supponit Julius Clarus L. 4. §. Feudum, q. 78.) nec professum reddit incapacem *omnis dominii*, alias faceret eum incapacem juris habendi communiter bona temporalia, quod est certè falsum; nam talis professus etiam post professionem retinet jus suitatis, & succedit Patri jure Suitatis, ut constat ex n. dict. & omnia bona possidet jure illa habendi communiter; unde non est *alia persona* tunc, quæ habet *usumfructum*; sed solum aliis modis illum habendi; injussu non *jure singulari*, sed *jure Collegii*, vel alius, cuius est pars.

1720 Neque dicas: *Usufructarius*, post professionem, nihil amplius disponere potest de illis bonis, sed disponit *Prælatus*, vel solus, vel cum Capitulo; nam hoc non arguit, illi per professionem ablatum esse jus disponendi, & habendi *communiter usumfructum*, vel illud esse penes monasterium aliter, quam ex pura consequentia personæ; hoc evidens est ex eo, quod professio naturaliter mortuo, nec *Prælatus*, nec *Capitulum*, nec ambo simul quidquam disponere valeant de tali *usufructu*. Deinde, im-
merito dicitur, quod *usufructarius*, post professionem, non habeat jus disponendi *communiter*, quamvis hujus usum (ratione ipsius) administratoriè exerceat *Prælatus* cum Capitulo; in modo usus prædicti juris illi professo, præcisè, vel prohibetur, vel etiam annulatur, adhuc tamen in eo stat jus ad talis usum disponendi *communiter*, ut ostensum est superius. Ex quo tandem concluditur, monasterium in quod per consequentiam personæ in ipsum translatae, simul transeunt hujus bona, quo ad hunc juris effectum, non esse personam *aliam à professo*; Sed eandem, cum ejus iura habeat solum per consequentiam personæ.

1721 Dices 2. si *usufructus*, religiosa profesione *usufructuarii*, non extingue-

tur, sed transiret ad monasterium, duraret 100. annis, sicuti *usufructus concessus Ecclesiæ*. Resp. N. sequelain; nam *usufructus Ecclesiæ*, vel Monasterio *directè*, & *ratione sui concessus*, durat 100. annis; non autem, concessus solum *indirectè*, & per *consequentiā personā* in ipsum translatae; hinc enim est, quod in posteriori casu talis *usufructus* pendeat à vita naturali talis personæ, & extinguitur, illa naturaliter extincta; ita Bartolus in auth. *In gressi* in 2. lectur. n. penul. & plures alii, quos citat, & sequitur Sanchez cit. c. 13. n. 50.

Instabis: dato, quod quando *usufructarius*, in Monasterio bonorum capaci profitetur, *usufructus obveniat monasterio*; hic tamen *usufructus* non erit *translatus*, sed *novus*, qualiter fit, quando *usufructus* constitutus Titio, & suis hæredibus, illo mortuo transit ad hæredes, ut dicitur L. *Stipulari ista*, §. *Sed & si quis* de verb. oblig. & L. *qui sumfructum*, §. 1. ff. de *usufructu*, vel certe cum ab uno transit in alium de consensu Domini, ut habetur L. *usufructu*. ff. soluto matrimonio. Verum, quod assumitur, merito negatur cum allata paritate: Nam in his casibus allatis propterea *usufructus* est *novus*, qui transit ad hæredes *facto hominī* (putatione, vel consenu Domini) non autem *per consequentiā personā*, cui coheret, qualiter fit in casu nostro.

Not. 5. quando dicimus per conse- 1722 quentiam personæ Vasalli, professi in Religione bonorum temporalium saltem in communione habendorum capaci, feudum ejus, quod est ex pacto, & providentia transire ad monasterium, debere intelligi, 1. solum, quam diu vivit talis professus ut jam diximus sup. Deinde si habeant annexum aliquid repugnans statui Regularium (ut jurisdictionem criminalē) quo casu refinebit quidem monasterium dominium ejus utili, dum vivit Vasallus professus; non autem quoad illam jurisdictionem, ut notat Fagnanus c. *qua in Ecclesiis* n. 102. & ali. 3. nisi in principio constitutum sit expressè, *tantum pro laicis*; vel ad incertum servitium; ita Sanchez cit. à n. 40. Dixi: *feudum, quod est ex pacto,*

pacto, & providentia; nam si sit paternum, vel hereditarium simpliciter, nimurum ad omnes heredes, atque adeo est instar proprietatis, etiam transit in perpetuum ad Monasterium permortem Vasalli, sicut alia ejus bona, quae habuit jure proprietatis, ut tradit Felinus c. in Praesentia. 8. de probat. n. 48.

§. 5.

De investitura Vasalli.

1724 **I**nvestitura proprie dicta (quae est realis quedam, & corporalis traditio, vel occupatio possessionis rei in feudum data) est solennis actus, per quem Vasallus domino ad fidem obligatur, & in rei feudalis possessionem mittitur; *abusiva vero* (seu, ut aliqui dicunt *ficta*) contingit, quando dominus alio modo, quam in rei feudalis presentia, vel absque actuali traditione possessionis, gladium, hastam, vexillum, vel simile signum corporeum porrigit, & per hoc investituram se facere dicit. lib. 2. tit. 2. de quo notat Gail. I. 2. obser. 152. n. 14. per istam investituram abusivam non induci *veram* possessionem; sed finge, dari Vasallo licentiam propria autoritate apprehendendi ipsam possessionem. Unde non parit interdictum *Recuperanda*; sed tantum *adipiscenda* possessionis, quibus positis:

1725 **Q**uestio 1. est, quae solennitas sit de *substantia* investitura abusiva? 2. an haec solennitas etiam requiratur in feudo Ecclesiastico? 3. an etiam per investituras abusivam aliquando transferatur in Vasallum possessio? 4. quid operetur clausula: *propter merita & servitia praesita?* 5. quis ex pluribus heredibus debet investituras petere? 6. an aliquando renovatione investitura opus sit? 7. quae sit poena neglectae renovationis investiturae? 8. an renovatio possit fieri per Procuratorem? 9. a quo domino peti debeat renovatio investiturae? 10. an tunc dari debeat laudentium, vel, ut alii volunt *Relevium*? 11. ubi petenda? 12. an coram testibus? 13. intra quod tempus? 14. an possit mora purgari? 15. an minor reflituatur contra ne-

Tomo. II.

glectum tempus investiturae? 16. an feudum præscriptione acquiri possit?

Ad 1. R. quod probabilior Doctorum sententia habeat, exigi, quod fiat vel coram Paribus Curia, vel per instrumentum, ut videri potest apud Haunold. tom. 3. tr. 9. à n. 656. ad 2. distinguendum, an Clerici investiantur de bonis propriis? an de bonis Ecclesiasticis? in primo castu dicendum, affirmativè, ex L. 2. feud. tit. 32. c. 1. ibi: *praterquam quod de personis testium dictum est.* Coeterum ubi dominus non potest habere, vel non habet pares Curiae, vel solum inhabiles, sufficiunt testes extranei.

Ad 3. R. Quod sic; si ea investitura fiat in praesentia rei in feudum concessæ signis illis co fine factis, ut in Vasallum etiam transeat possessio; arg. L. 1. §. 21. ff. de acquir. possesi.

Ad 4. respondent communiter Doctores, quod operetur hunc effectum, ut feudum Vasallo, aut ejus posteris, auferri non possit ob ullam feloniam.

Ad 5. R. Singulos investituras petere, ac fidelitatem jurare debere, si habeant feudum indivisum; si autem ex divisione pertineat totum ad unum, hunc solum teneri per L. 2. tit. 26. §. *omnes filii*: Si pars ad unum, alia pars ad alterum, teneri singulos pro sua parte per L. 2. §. 55.

Ad 6. ante responsionem nota renovationem investiturae nihil aliud esse, quam feudi, legitimè acquisiti, ob dominum seu Vasallum mutatum, promissione fidelitatis interveniente, soleniter factam confirmationem; quo posito Resp. faciendam, si vel dominus feudi, vel Vasallus, aut mortuus sit, aut alia ratione mutatus, ut liquet ex hujus renovationis definitione.

Ad 7. R. Quod sit commissum feudi; 1728 seu, quod Vasallus cadat à jure feudi, ut constabit ex dicend. in seqq. controversum est, an si dominus tempore debito investituras petenti Vasallo concedere negligat, & ipse cadat jure dominii? Resp. quod communior quidem opinio affirmet, 1. ex ratione; quia hoc ipso, quod jus feudale Vasallum, ad petendam investiturae renovationem intra certum tempus sub poena amissio-

FFF

nis

410 *Tract. in Lib. III. Decretal. Quaestio XX.*

nis feudi adstringat, censetur etiam Dominum adstringere ad faciendam investituram; cum Dominum, & Vasallum ad paria teneri constet, ut mox dicetur; 2. ex l. 2. feud. tit. 6. c. In Epistola, ibi: *Dominus quoque in his omnibus vicem fideli suo reddere debet: quod si non fecerit, merito censetur male fidelis, si ut ille, qui in eorum prævaricatione, vel faciendo, vel consentiendo & prehensis fuerit, perfidus, & perjurus.* Verum hæc argumenta (seclusa auctoritate extrinsecâ) non evincunt intentum; nam investitura principaliter respicit favorem domini directi, ut per eam à Vasallo, in feudum succedente, fiat recognitio dominii directi in eo, & præsteretur obligatio fidelitatis; textus etiam nullam facit mentionem de privatione dominii; sed solum compellat eum perfidum.

Ad 8. Resp. posse (nisi vel consuetudine, vel Domini directi constitutione, aliud exigatur) saltem si Procurator habeat mandatum speciale, per L. 2. feud. tit. 3. c. 1. §. *Investitura*,

1729 Ad 9. Resp. quod à Domino immediato, & proximo, etiamsi sit pupillus: & etiamsi Vasallus jam ante fidelitatem successoribus juravit; Sufficit autem peti investitaram ab eo, quem dominus ad hoc speciali mandato constituit; Solent enim Principes ad hoc constituere suos vice-dominos, aut Cancellarios; quod etiam procedit in Vasallo Vasalli, ut teneatur solum petere ab immediato respective domino, hoc est, Vasallo, à quo est subinvestitus: nam huic soli tenetur præstare servitia. Not. per *Relevium* intelligi jus, quod in Cancellaria solvi debet, (ut notat Pereyra in *Elucidar. n. 1828.*) v. g. ut quis liber sit à solutione decimæ; quo posito. Resp. hoc non esse de natura feudi; cum id nullo jure definitum sit; quandoque tamen id habet consuetudo, cui parentum est, ubi legitimè inducta est, tacito saltem consensu Vasallorum, & Domini directi; *non scribarum & Cancellaria*, detinentium expeditionem instrumenti investituræ, nisi taxa, quam cundunt, & augent ipsi arbitrio suo, deponatur, an justè? cum legem ferre non possint, nec consuetudinem præser- tim, nixam avaritiæ cupiditate, legitimam inducere.

Ad 11. Regulariter petendam in loco 1730 territorii, & solita habitationis Domini directi; & cum sit actus jurisdictionis voluntaria, concedi posse etiam extra territorium.

Ad 12. Resp. requiri testes, spectato jure feudali; nam postquam l. 2. tit. 3. 2. dictum eset, investitaram novam, sine Paribus Curiae, tanquam testibus, factam non valere: postea de veteris investituræ renovatione dicitur: *testes extraneos recipi*: quo tacite videtur supponi, hos esse necessarios.

Ad 13. Resp. aliud esse tempus prescriptum pro Paganis, aliud pro milite:

Pro paganis indulgetur *annus, & dies*, 1731 *pro milite, annus, & mensis*; colligitur ex lib. 2. tit. 24. ibi: *prima autem causa beneficii amittendi hac fuit, & adhuc est in plerisque Curie, quod, si Vasallus per annum, & diem, Domino suo mortuo steterit, quod heredem Domini sui, investitaram petendo, fidelitatem pollicendo, non adierit, tanquam ingratu existens, beneficium amittit; & è converso, si Domino superflite Vasallus decesserit, & filius eius per jam dictum tempus neglexerit petere investitaram, beneficio carebit: De milite vero l. 1. tit. 22. ibi: Sancimus ut nemo miles ultra annum, & mensem vadat, ut investitaram beneficium sui à filio, vel successore Domini sui petat, vel post mortem Domini sui, vel Patris sui, vel alie- rius, cui succedere debet, nisi justa causa intervenierit, quare non petierit, velus mortis, vel capitales inimicitia, vel infantia (aliu legunt: infamia) vel iusta absentia, & si non petierit, damnetur.*

Not. autem, quod non omnes, ad 1732 quos ex prima investitura feudum aliquo modo, nimirum jure successionis, pertinet, teneantur investitaram petere, sed solum immediati, & proximi; quod aliqui probant ex L. 2. feud. tit. 55. c. *Imperiale*, §. 1. ratione autem ex eo, quia soli Vasalli tenentur ad ejus petitionem; remotores autem agnati nequum Vasalli, nec jus feudi adhuc possident, nec ad illa servitia obligantur, igitur non est; unde teneantur ad petendum investitaram.

Ad 14. R. quod communior teneat, 1733 quod

quod non; nullibi enim in jure legitur, Vasallo concedi quod neglectam renovationem investitura purgare possit celeri satisfactione contra leges superius relatas. Verum est, hoc jure canonico concedi Emphyteutæ, ut habetur c. 3. de Locati, si neglexit solutionem canonis debito tempore; sed ab hoc non fit paritas ad Vasallum proper leges in contrarium stantes, loc. cit. censent tamen aliqui cum Julio Claro q. 49. n. 9. concedendum ex æquitate.

Ad 15. Resp. quod sic, si neglectus investitura non provenit ex contumacia, per L. 9. ff. de Minoribus. §. 5. ibi: *Si in commissum incidisse vestigium dicatur, erit in integrum restitutio; quod sic erit accipendum, si non dolus ipsorum interveniat: ceterum cessabit restitutio.* Dixi: *si non provenit ex contumacia;* intellige vera; si enim ex *præsumpta* tantum, viderit etiam restituendus ex L. 8. ff. cod. ibi: *Minor etiam quasi contumax condemnatus sit: in integrum restitutio auxilium implorabit:* intelligenda est, quando ob præsumptam, non veram contumaciam condemnatus. Unde quando dicitur, Minoribus ex delicto non subveniri; verum esse, si sit delictum ex natura rei, seu Theologicum; cum autem merere civile; quale est neglectus renovationis investiturae. Ad 16, constat ex lib. 2. de Præscript.

1734 Præter dicta not. 1. Vasallum ex successione, proximum pubertati, retinere feudum, nec ante completum 14. ætatis annum teneri ad petendam investituram, lib. 2. feud. tit. 55. c. *Imperiale*, §. 1. quo sensu etiam intelligendus venit textus lib. 2. tit. 26. §. *Si quis*, ibi: *fidelitatem facere non cogatur, donec veniret in maiorem etatem,* mimirum pubertatis complete, ubi §. sequenti additur, *si quis deceperit filio impubere relieto, fidelitatem nec ipse, nec aliis pro eo facere cogitur; idem de servitio personali: aliis tamen pro eo faciens servitium admittetur.* Sed in hoc attendenda est consuetudo; & haec etas attenditur etiam in foeminis, cum leges indefinite loquantur.

1735 Not. 2. tempus, intra quod debet renovari investitura, incipere currere à die Tom. III.

scientia, quod feudum sit apertum, seu per mortem Domini, seu per mortem Vasalli: & est quidem continuum quod ad dies etiam feriatos; sed tamen utile, ita, ut si justum impedimentum interveniret, durantis impedimenti tempus non computaretur; colligitur hoc ex l. 1. feud. tit. 22. relato supr. ibi: *nisi iusta causa intervenierit;* cum priori parte excipe casum, quo feudum est hereditarium; tunc enim tempus non incipit currere à die notitiae, ut dictum est; sed post *aditam hereditatem*; nam antequam adeatur hereditas, investitura peti non potest, cum neccum habeatur jus ad feudum. Unde quando dicitur, quod *filius ipso jure sit hæres*, intelligitur hæres in potentia proxima; sed non in actu; cum possit non acceptari.

§. 6.

De juramento fidelitatis.

D Uplex reperitur formula juramenti, 1736 quo Vasallus Domino directo jurat fidelitatem in investitura; prima reperitur lib. 2. feud. tit. 5. ibi: *Ego juro ad hac Sancta Dei Evangelia, quod quodammodo in antea ero fidelis huic, sicut debet esse Vasallus Domino, nec id, quod mihi sub nomine fidelitatis commiserit Dominus, pandam alii ad ejus detrimentum me sciente.* Altera lib. 7. ibi: *ebi & alia de novo super fidelitatis juramento forma inventa, & uentium approbata consuetudine, qua hodie fere in omni Curia videtur obtinere, cuius verba sunt: Ego N. juro, super hac Sancta Dei Evangelia, quod ab hac hora in antea usque ad ultimum diem vita mea ero fidelis tibi Cajo Domino meo, contra omnem hominem excepto Imperatore vel Rege.*

Circa istam formulam juramenti dubitari potest 1. ad quid extendat se se vox illa: *ero fidelis?* 2. quænam sint *servitia*, ad quæ vi sui juramenti obligatur Vasallus? 3. quas obligationes reciprocas habeat Dominus?

Ad 1. e.g. quod communiter explicetur his verbis: *Ego juro, quod nunquam scienter ero in consilio, vel auxilio, vel in facto, quod tu amittas vitam, vel membrum aliquod, vel quod tu recipias in*

Fff 2 per-

persona aliquam lesionem, vel injuriam, jurat, ista sex in memoria semper habere debet: *incolum*, *tutum*, *honestum*, *utile*, *facile*, *possibile*: & quidem, *incolum*, ne sit in damno domino suo de corpore suo; *tutum*: ne sit ei in datino de secreto suo, vel de munitionibus suis, per quas esse tutus potest; *honestum*: ne sit ei in damno de sua justitia, vel de aliis causis, quæ ad honestatem ejus pertinere videntur; *utile*: ne sit ei in damno de suis possessionibus; *facile*, vel *possibile*: ne id bonum, quod Dominus suus facere leviter poterat, faciat ei difficile: neve id, quod possibile ei erat, faciat impossibile; & quia non sufficit abstinere à malo, nisi fiat, quod bonum est, restat, ut in sex prædictis consilium, & auxilium Domino præstat.

Ad 3. Resp. inter præcipias Domini 1740 obligationes esse, quod spectato jure cōmuni non possit jus suum Domini directi, invito Vasallo, in alium transferre, nisi proprietate, feudi Vasallo applicanda, cadere velit. S. ex ead. L. 2. tit. 34. Ex eadem lege descendit, quod dominus, sine voluntate Vasalli, feudum alienare non potest. Coeterum obligatio Domini, relate ad Vasallum, multo minor est obligatione Vasalli ad Dominum; nam Dominus non tenetur Vasallo jūrare fidelitatem; Vasallus tenetur frustis pignoris à domino dati pro certo debito computata in sortem; dominus autem non, si feudum à Vasallo accipit in pignus debiti; dominus non amittit dominium directum feudi negligens in tempore dare investituram Vasallo; hic autem jus utile, negligens investituram renovare debito tempore &c. Hæc insinuasse sufficiat, quantum est fori nostri.

ARTICULUS II.

De Emphyteusi.

SUPPONENDUM 1. de Pereyra in Eli- 1741
cid. n. 991. *Emphyteusim* dici à Græco
verbo *Emphyteuo*, quod est *in sero, planto*,
quasi implantatio, infusio. Nam in Em-
phyteusim accipit quis rem, ut exsterili,
fertile, quasi plantando, efficiat ac

1738 Not. autem illa, quod ero tibi fidelis
contra omnem hominem excepto Imperatore, vel Rege, debere restictè intelligi
ad omnem hominem, contra quem salva
conscientia, atque adeo pietate, esse licuerit;
juramentum enim intelligitur de his, quæ liceat fieri possunt, & non repug-
nant naturali iustitiae, ac pietati; in ca-
su autem, quo quis habet duplex feu-
dum, & occurrit casus, quod domini
directi inter se discordent, ac quivis pe-
tit obsequia Vasalli; censem aliqui te-
neri adesse illi, cui prius juravit, quod
secundum juramentum intelligatur so-
lum de his, quæ liceat potest, atque
adeo non de assistentiæ contra domi-
num priorem, cui prius juravit; alii di-
cunt etiam primum juramentum esse ta-
cte conditionatum, si alio juramento
non prohibeat: alii demum volunt
in tali casu præferendum dominum an-
tiqui feudi, licet Vasallus in id primo suc-
cesserit, postquam noviter accepit feu-
dum aliud, ab alio.

1739 Ad 2. Resp. Servitia, seu obsequia,
Domino à Vasallo debita, exprimi cod.
lib. tit. 6. ibi: *qui domino suo fidelitatem*